



10443

青山卷第五

賞塗宋郭祥正功甫著

同里後學宋

鐵西衡校刊

葛 鏞以和

陳安止遷居三首

陳子勇于退退無十椽屋隣家頗好事借宅竝

蕭浪山切

隩堂廡稍寬靜垣牆亦新築春渠漲朝雨涓涓漱寒玉
呼童種瓜菓教僕洗松竹身雖在城郭志寔寓磎谷誦
持方廣經一食止蔬粟所喜遠羶腥佛事要清肅弗學
自長守寺 孟媚秋菊弗學屈大夫含悲羣魚腹唯慕金

卷五

粟老不二常具足若許浪土游時時跨黃犢

陳子貧無居東家借茅屋達土寧羞貧四方所居隩平
臺荔陰下天匠資爾築青分一畦蘭綠種萬竿玉幸遭
文明運志豈效孤竹又非遠人音欲以逃空谷倏然置
藤榻示疾肖金粟呪飯施諸鬼夜來風肅肅嗟予在羅
網未暇親杞菊憂愁無端來刀劍攪鴛腹渺思泛滄浪
期君濯雙足時或臨大野泥耕看健犢

彼美隱官儂蒼林映深屋俗鴛遠庭除佛像鎮堂隩蘭
芷消去疎荆榛已鋤築沉思第一義修持若碧玉覺城
開迷 軍當破竹接人有餘地拔我出坑谷齋羞復



招要甘香蒸黍粟永與羶葷解既飽精神肅石坐禪枯
蒲茶甌之新菊醜翻灌漑頂饑火滅空腹昔聞居士飯
一鉢萬人足君老乘三車願爲車下犢

喜雨

陰雲海上來飄風亦隨至填空翻猛雨溢溜迸平地豈
惟滋稼穡高視掃瘴癘羣山各藏晦萬壑恣吞噬蚊蠅
暫驅除草木起憔悴榕枝碧于染荔子紅欲墜呼兒索
杯盤四體襲涼氣豐年固有兆此雨信嘉瑞一人堯舜
聖三公夔高備陰陽茲調和樂飲真吾事

月下懷雷二君儀

青山集

卷五

二

默坐兩股痺幽行整頭無家不成寤有酒何處斟山
色九秋靜月華中夜深遙想端居人焚香哦妙音

寄題雷二君儀田園碁石亭

盤石發天巧新亭君所營席展瑤琪滑坐久寒陰生遠
瀑曳修幔他山列蒼屏水田白鷺下霜樹青猿鳴回首
同安縣殘陽樓觀橫不逢車馬來時愛牛羊經童僕種
刈畢父老樽罍傾昇平信難偶歡笑聊舒情況歌李杜
吟字字無濡聲春來成幾章想有碁石銘

人世無百歲塵勞枉營營豈知田園樂歌嘯送餘生况
聞盤石上開亭石爲屏卷簾春雨足洗耳松風鳴孤鳥

堊中淡煙山際橫時復命兒息講道或傳經
經罷五言珠
飛滄海傾嗟我無羽翼往適幽憂情

同蕭英伯登陳安止嘯臺

食訖雨初霽相將陟高臺縹緲臨諸峰幔卷濃雲開秀
特不可掩擎天碧崔嵬漳流欲赴海澎湃西南來陰陰
荔子木合抱何年栽幽鳥轉枝語清風與春同佛宮四
面出紺碧疑蓬萊寓隱得斯地足以攄君懷方庭有蘭
芷近郭無虎豺萬事不挂慮長年效僧齋一爲孫登嘯
而與數子諧顧我病且老况復時運乖兒歸半道死旅
棺未葬埋破甑已弃物乃非君子儕從游得無玷泯黔

青山集

卷五

三

甘壇排

送廣東漕孫知損失官歸汶上

平生愛東州土厚人不磨見公惜已晚達論聳予聽五
馳使者車中道罹陷阱開懷無怨尤得失兩以正歸程
萬餘里翛然一煙艇關今非遙踴躍理三徑進則伏
忠義退則樂溫清高卧無必求才堯舜聖亭亭南澗
松愈老節愈勁柔柔水中蒲涵春自嚴淨百年未闔棺
安之吾有命

讀陶淵明傳二首

我愛陶淵明超然遺世想一奏無弦琴妙曲寄元響傷

然聽以氣萬籟應諸掌舟車就所便邱壑信孤往泉石
木欣欣酌酒助俯仰酣醉頽雲煙舒嘯逸羅網斯人孰
可見夢寐期髣髴元如南山松亭亭植干丈

陶潛真達道何止避俗翁蕭然守環堵褐穿瓢屢空梁
肉不妄受菊把欣所從一琴旣無弦妙音默相通造飲
醉則返賦詩樂何窮密網懸衆鳥孤雲送吳鴻寂寥千
載事無卷思冲融使遇宣尼聖故應顏子同

普利寺自周上人高明軒

世人孰無累貴彼方外人超然雲霞趣迥脫生死輪周
也漳南釋開軒瞰漳濱山光并水影二物長清新尤愛

青山集

卷五

四

明月夕蒼林變金銀焚香坐軒上時或要靜賓幸無歌
吟喧得與麋鹿馴嘗茶煮山藥長養菩提因豈慕富且
貴寧憂賤與貧我來勿厭數從爾陶天真

同畱二君儀登高明軒

羈客厭卑濕登軒喜高明紅日簷下度白雲窓半生并
吞山川秀映帶樓殿平舟航濟吳楚笑語落蓬瀛春風
時一來百鳥相和鳴隔牆酒可沽千金爲君傾旣絕世
上趣雅遂林中情勿云暮靄合更待孤蟾升

同陳安止登高明軒

有客來清淨喜爲林下游茲軒高且明駐策同其休目

芥旣以徹心官欣自由棄祿慕居士讀經觀比丘
燕聲遶石層春水流鳥羽埜可數花光暖爭浮已知隔
人寰日落山更幽適此悟無生餘事安足求

題淨惠院

方塘水未漲荷芰新展綠游子愜輕衣步與孤雲逐初
臨寺外橋已聽鐘聲肅徐登山後亭葱蒼翳松倚諸峰
却羅列龍蛇互奔觸紅綃卷晴霞白雲落孤鷺了然身
世忘豈念冠帶束平時謬持節善地甘厚祿更窮泉石
樂會未伸啟沃何以報君恩堯天漫凝目

題淨衆院贈蒙禪伯

青山集

卷五

五

南州三百寺此寺最輝煥石開千丈渠泉飛日華亂供
僧無定員連牀接雲漢經營始十載物物悉已換上人
固多才不獨悟禪觀其師老黃蘗簡肅衆所憚承音旣
親切妙頂醍醐灌登門已清涼定步濟彼岸融融接軟
語羣疑自消泮每游卽忘遺微風酒塵汗

題月淵亭

仰攀明月輪俯瞰滄海淵乾坤惜形勝此池何其偏靈
溪九龍躡仙山一峰圓微紅散晴綺遠碧襯殘煙幽香
發野天接語皆老禪緣何近城郭了無人世喧邂逅攝
那守以樂多林泉唯憂代首至不得經殘年老境寧復

來吟我強留連他時考陳迹不滅斯亭篇

送范端仲推官

范君建陽客讀書過萬卷下筆又神速數預賢能薦省闈復擅場聲名動海縣一段紅蓮幕阻上金鑿殿志氣老不衰苦柏冒霜霰當塗少知己薄祿勢所戀君子困下僚佞士即華選顧我鶩散才攝守頗優便公庭可羅雀雲山復對面坐卧臨清風吟哦揮羽扇相逢始相樂瞥去若鶩電君行我幽獨送君聊自咳

池上晚景分得上字

秋風何處來蕭然洗炎瘴時要二三子臨池倒嘉釀逢

青山集

卷五

六

辰旣昇平覽景又清曠寂無人世喧頗覺神魄王雪鷺巢滄洲金烏沒青嶂悠悠漁笛還漫漫湖痕漲黃蜂立蓮葉蘋鯉吹萍浪始信莊生言觀魚樂濤上

潯南書事

元豐五年秋七月十九日猛風終夜發拔木壞廬室須臾海濤翻倒注九溪溢瀾流崩重城萬戶競倉卒馬牛豈復辨涯渚恍已失嬰老相攜扶廻首但悽慄憂心漫如焚救疹竟無術憶昨攝印初歲豐頗云吉田疇時雨足杭楸各秀實胡爲兆陰怪平地遭滂汨尤嗟梁棟材中道摧折卑日月有常度金行正蕭瑟疇咨風雨師殘

害皆天物天心本好仁忍眎久不恤况今大上聖治具
嚴且密騎馬藏民間教兵授神筆四夷還舊疆百辟奉
新律固宜集和氣祥瑞爲時出緣何漳南民憔悴抱愁
疾終當呼長鯨一吸見蓬華

臨漳亭觀水分得大字

憂民登危亭注眎萬里外溟濛雲氣浮勢與江海匯蒼
山恐低沉况復問畎澮禾麻安更論老稚念顛狽蛟鼉
自出沒牛馬失向背雨師恣侵陵人理亦可罪殷殷非
雷聲遠近屋廬壞君臣正逢時上下宜交泰驅雲清白
日朗徹照幽怪一雨卽瀾漫孰謂乾坤大

青山集

卷五

七

送孫公素朝奉還臺

暑雨正鬱陶流汗坐深甌忽聞公素來清風先滿徑高
談別後事琳琅發吾聽聽之復何如五月冰雪瑩况逢
至治朝日月開二聖大臣用老成羣辟要方正如公亦
幾人尚未擢諫諍浮舟每經年山川寓幽興皇皇歲華
晚曳屣漫吟咏行矣勿徘徊金門詩新命

題妙勝院西軒并贈權師

老木不知年蒼藤已垂地高枝生晚陰低枝散涼氣好
鳥時復來鳴聲侶絃吹道人開小軒幽庭增廣庇龐眉
霜雪此休焉釋塵累餘功又及物丹砂和去聲靈劑一粒

愈沉疴求者四方至應接運真悲平等均我施相逢惜
已晚殘光念如寄何當擇深山同師樂禪味

清江臺致酒贈范希遠龍圖

攜手出煙霧致酒清江臺水淺橫沙露林踈遠山來白
鳥一雙落青猿三叫哀誰展摩詰圖而把淵明杯妙娥
始七歲彈箏殷晴雷或如鸞鳳吟喚得陽春回主人亞
父孫卓落王佐才高談使我聽明珠欲傾懷爽魄超太
虛日窟無飛埃一飲不知醉浩歌忘草萊一作明擊一作繫
雙權回首安在哉尺水公自養以待天門開

贈陳師道判官

青山集

卷五

八

自從梅老死詩言失平淡我欲回衆航力弱不可纜栖
遲二十年時時漫孤噉忽逢陳夫子兩目海水湛爲我
聊一吟粹芳超俗艷又如趙氏璧毫髮絕瑕玷愈多愈
精好璀璨摘驪頰借令李杜在決敵未應敢低頭亟趨
降吞聲就誅貶招來君尚謙且曰吾與黜窮朝把樽酒
金牽銀浪馳胡爲眷幕府半百尙壇坎幽蘭沒蕭艾明
燧混野艾何當叩相閣斯人願收飲置之翰林中萬丈
看光燄

鳳凰驛

晚泊鳳凰驛得名知謂何鳳凰不可見篁竹空婆娑四

旁俱石崖一逕縈雲蘿慘陰欲雨淙淙澗跳波
指英州兩舍皆平坡久寒無瘴癘虛市饒雞鵝我行既
已遠樂少憂常多過江紅葉舞度嶺黃鸝歌時序逼衰
老羽翰驚網羅一夕得佳處休焉聊獨哦

輪石

輪石如車輪削立萬丈壁湍流走其根倒影翠霧滴天
公不推去此意人莫識雖無載輓功免有圓轉迹隔江
欲登臨貨舟終不得旣乏官長威人事輕遠客胡爲秀
絕姿往往在幽僻童僕驚日晚策馬若相逼哀哉攜妻
子未暇往棲息沉吟復回首舍旂欲何適

青山集

卷五

九

題清遠峽廣慶寺壁

平明下荒落晚投清遠峽銀潢注地來翠壁連天插中
含五峰秀寺載三車法龍歸石有痕犀躍無遺柙直釣
誰得魚危機待鷗狎長廊覽前題習之最爲甲物理求
其全用材無乃狹渾詩亦可取小雨纔一霎未能臻甫
白源長流不乏持盃聊酌茗清風爲停筇超然望山下
嵐翠忽頽壓忍涕上孤舟低頭隨雁鴨

次韻穎叔修撰游朱明及字

朱明洞天門元戎要客入誰去蓬萊遠浮邱杲相抱如
超頓地禪曾不假梯級絲篁隔葱沈瀛朗呼吸玉函

有嘉禾鳳凰乃來集桃李爾何知濯濯紅露泣應嗟塵
世人牕間白駒急行樂如之何不樂嗟何及

五仙謠

番禺五仙人騎羊各一色手持六秬穗翩翩遶城壁
翩然去乘雲諸羊化為石至今畱空祠吳像猶可識
曾聞經猛火毫髮無痕跡五仙寧復來三說頗難測
只憂風雨起半夜隨霹靂君不見羗廬劉越之洞天
萬象森羅無一尺

誌游呈蔣帥穎叔

焚香瞻五仙登樓瞰滄海題軒名雙林却酒飯蔬菜五仙

靑山集

卷五

十

觀山海樓興還趨法性寺爛漫登幽晦房公潤經處蘭

化寺二軒

房融潤色

老木已千年成林播佳話藥止所種云此

樹下當有菩提危壇半頽缺曾傳祖師戒即六祖也今為乾明禪師

受戒度人成林達多與制止古像各滿洒歸時已殘陽心淵生汎漉蘭

亭世俗飲尚足傳異代佛境清淨緣浩劫永不壞聊誌

一日游結交向方外是日與穎叔二人同游

再和穎叔誌游

君爲五羊仙我效退之拜默契如來禪安用傳畫繪滄

海雖云濶萬里有限際音請從造物論一瞬卽破碎靈

龜胡爲靈靈一作乎鑽灼爛腹背生能發幽寃神理助奇怪

見五羊子 晚投古寺食葷味不如萊摩挲庭下碑百歲

蒼蘚晦忽逢潤經處房公儼如在度人要成林今已播

禪話忽為殺盜淫佛勅所告戒種子積無明應須法雨

灑幸陪蓮社緣彼此吸清瀟噫 熟軒冕樵悴塵垢態

一朝趨地獄苦惱孰肯代瑩如牟尼珠誰使濁水壤與

公誌斯游浩蕩形骸外

獨游藥洲懷穎叔修撰

驅車欲何適獨往觀藥洲荒蘆喧鳥雀怪石森龍虬大

亭插層城玉虹跨深溝雙門控西渚石門也 九星聚中流

九曜石也其名何壯哉像貌儼可求張王卷國去故物惟此

青山集 卷五

留滄溟霸氣滅落日孤煙浮空畦已無藥草蔓春柔柔

常年一百五載酒傾城游炎炎二聖作德澤軍海陬大

帥用文儒靜鎮十五州請公握鴻筆剗蘚揮戈矛仍要

水宮月一笑挹浮邱蓬萊自茲往穩踏金鼈頭

九曜石奉呈同游蔣帥穎叔吳漕翼道

番禺西城偏九石名九曜危根插滄浪古魄鎮臨眺何

人試巧手鑿此混沌竅森森毛髮散偉偉儀形肖葱蒼

翠露濕玲瓏秋月照痕添海潮上聲酸朔風叫龍歸憂

利劍釐泣怖長釣會非借霹靂安得離巖嶠菱溪與太

湖所得信未妙誰將置濠隍我願植廟廟堅貞以頌舉

邪僻令遁跳濡臺勒陰崖卑語君莫誚

和穎叔游浮邱觀

渾潭洞天門勢出朱明右矣疑雲翼張竦見冰骨瘦飛
仙時往來別有通海竇此事僅傳聞世人豈能觀歛簪
榛棘合壞壁青紅舊汲泉煉丹處頽毀無完甃不逢博
物人妙迹誰復究黃冠稟使旨旨一作者乘時力營構飛閣
凌滄波誅林逐羣狄松蘿翠欲滴蘭茝芬可嗅秋蟾助
餘魄蓬島分小岫披披宿靄散泠泠諸籟奏超然俗慮
息揮手出宇宙況逢老集仙氣奪天下秀落筆成千言
霹靂震白晝于茲惜分攜作心須摻袖

青山集

卷五

三

穎叔招飲吳圃

五鼓開畫戟平明出重闔小橋分野徑吳圃會衆賓番
禺二月尾落花已無春唯有薔薇水衣襟四時薰短垣
乃浮邱樓觀何斬新我公發幽晦輸金走車輪蓬萊飛
一島雲外拖晴紳此景在眉睫圖繪未必勻從來不彈
弋傍砌烏雀馴寄語北海若停風護松筠負才詩做敵
縱酒吞湖潯酌安足辭不飲終成塵逍遙一日事浮
脆百年身何須跨黃鶴追彼瑤池人但當聽公歌賣交
斥張陳達道齊生死筆端真有神押灑十八韻一一無

價珍老彼杜工部元哉楊子雲

鵠奔亭呈帥漕二公

新江自南來西與端江匯寒光入靈羊一碧漫羅帶屹
然鵠奔亭遺音溢千載羽儀莫可見窈窕想殊態遭戕
瘞同坎禰布久不壞詎宛如生平隱顯一何怪離人闔
戶戮化質搏風快且將憂患辭浩蕩煙霄外翥飛并劍
躍類與神靈會物變固難窮無事增感慨周侯昔行部
美績此尤最江生引爲言建平平捐罪句疑宋興跨唐
虞乾坤正交泰皇華命俊哲枉橫無纖芥琳琅斯亭篇
證古欲陳戒殺人貴滅口覆族竟自敗姦諛誅旣死潛
德發幽晦堅珉可磨鐫榮光庶長在

青山集

卷五

三

端州逢故人劉暉光道致酒鵠奔亭作

貴池昔分袂端江復傾蓋屈指十六秋華髮驚老大雲

霄邈功名荆榛森患害衆人皆欲戮出門卽有礙上杜句

咄哉不復道致酒強高會蒼梧帝魂寂鵠化遺亭在

翠葆撈玉簪金鱗躍羅帶韓云江似青羅帶山如碧玉簪風澄嵐靄散

權擎天影碎往古恣已空來今竟何待勞形百年間投

足高里內秋水正瀾漫醉瞻遂澎湃一絲攜六鼇猛擲

滄溟外

將歸三首

春田豈不美春園亦可佳田水流泱泱園禽語啾啾荷

笠復攜鋤動作頗自諧隣叟三五輩擊壤歡無涯祿仕
四十年志運良已乖許國既無補陷穽幾沉埋皇恩湛
昭洗印紱蒙優差內循齒髮衰愧彼英俊偕休焉保其
終飛章乞殘骸將歸樂復樂清風埽孤懷

結廬謝山下門荒蘿徑深寂無車馬跡而有猿鳥音高
峯落日盡遠壑歸雲沉死生一吾趣長嘯忘頭簪勇往
復此樂悅仰安可任

垂老度庾嶺西江守端州逾年忝祿食歸思忽驚秋結
廬丹湖邊種橘菓屢收挂冠已不早懸花隨兩眸休休
保殘齡擊壤歌皇猷有兒集吏選餘事復何求回首天

青山集

卷五

酉

地恩瞑目終難酬

贈上藍晉禪師

泐潭月公晦其禪妙諸方傳之晉伯明獨步入豫章一
登上藍座日月廻輝光問法瞻丈室方廣不可量人人
得甘露灌頂心清涼又通世俗書落筆皆文章衆鳥難
悉名卓然唯鳳凰羽儀下雲霄五色在山岡先帝昔臨
御京城開寶坊明詔求法才衆老爭低昂惟師不妄念
安之如太行乃知北遠師駕幸不下牀所傳信非訛千
載兩相望篁竹架清風喬松裒寒霜回心剃鬚髮永願

陪翱翔

望廬山懷陶淵明

匡廬初在望復憶柴桑翁醉來卧盤石悶然天地通不
入惠遠社自彈無絃桐悠悠出谷雲漠漠栖林風倚巖
片月白落磴寒泉紅此意非眇聽遙知與君同

追和韋應物廬山西澗瀑布下作

徘徊西澗下聽泉濯煩襟煩襟遂蕭爽妙音非世音不
知歧路絕貪玩烟蘿深斧斤未嘗入高材自成林鶴鳴
豈有怨雲去本無心寥寥陵澗寂古意難追尋

宿栖賢寺

遙憐李太白吟望瀑布水不知三峽流翠酒虛烟裏雄

青山集

卷五

五

聲雷雨驟遠響松風靡誰畱千丈虹長在雲根倚遂令
車馬來朗瞻樓殿啟明明銀色界浩浩蟾波洗居中梵
天衆聞思悟元理長老乃摩詰取供在彈指普薰毛孔
香真實超凡鄙病夫寄一榻清冷濯心耳飄然睡魔去
策杖中夜起不能跨鯨魚揮筆信非美

宿歸宗寺

曠懷王逸少宅地如翔鸞池水至今黑云是墨未乾施
作金仙宮樓殿排羽翰銀榜畱飛鳥玉蜃吐鷲湍聊舍
寶槍近筆插青雲端貝葉五千書兩藏龍鱗蟠鐘磬遮
虛巖松杉扶歲寒護持不變滅鑪煙晝漫漫暫游奇儻

榻翛然心界寬，愧無警絕草付與蒼崖刊。

新昌吟寄穎叔待制

元祐丙寅冬，新昌有狂寇名探其姓岑，厥初善巫，呪南
民欣尚鬼來者，爭輻輳經年，惑羣衆詭術，遂潛構摧城。
止三關排鋒，唯撒豆竹竿，變鎗旗銳兵，莫吾聞此事古。
未聞造意無乃陋，蚩蚩彼何知，丁壯擁前後，長驅向城。
郭塵土翳白晝，刺史亟閉戶，神理默垂祐，城頭無百兵。
坐待五羊救賊中，衆所見戢戢羅甲冑，須臾薄音博寒陰。
凍立多僵仆，平明若烏散，賊本未遑究，權帥計倉卒，遣
將速誅，蹂貪功恣殺戮，原野民血，溜嬰兒與婦女屠割。

青口集

卷五

六

僅遺脰傳報及南昌，新帥若煙走。

穎叔至洪開報卽星馳度嶺有詩云六日

聞賊報七日走如煙

入境亟止殺渠惡，用機購逾旬，果獲探腰斬。

餘悉宥朝廷，方好仁帥畧，寔能副臺章，請褒賞，詔語優。

以懋撫綏，聊借才侍從，爾來復身居江湖上，名近日月。

右已上畧制麟兒隨飛龍

戊辰季嗣遂登科

陰隲資貴富，彼美

南山松落落，千丈秀終爲廊廟器，未許連城售，吳毛持。

漕節文彩爛，錦繡登爲新昌行，洪鐘待誰扣，我將磨蒼


珉爲公，悉鑱鏤。

運判吳翼道毛正仲皆作此詩刻石立于新昌之使廳

送許栖然道士

結廬守親塚，淡食畢喪制，焚香誦寶經，傾悲拔冥滯，神

明扶孝思肌髮保陽氣支離僅不死隣里爲獻歛倏然
叩予門殷勤謝銘誌袖攜一幅圖離坎備形勢明堂正
邱穴松檟列新翠身雖離塚旁披圖卽流涕拏舟遽言
別諱曰仲春至酌水採嘉蔬藉草具嚴祭又言廣栽植
適取歲時利事死如事生終焉達斯志儒者似君榆况
復褐冠類誰爲孝子傳吾詩信無僞



青山集卷第六

吳立堅確山

賞塗宋郭祥正功甫著

同里後學宋 鉞西衡校刊

葛 鏞以和

五言古詩

送胡推官赴無錫丞

愛山不離山君來訪山間山間只欠水聽君語潺潺滋
我山色秀洗我塵心煩如何遽言別鸞驂欲翩翩試才
得佳邑割雞鳴刀鋸雙親尚未老伯氏趨朝班藍田玉
一雙浮出濡湏灣天作王者瑞寧獨名鄉關自憐因已
甚風流逸難攀新詩倘許寄秋雁無空還

青山集

卷六

送胡與幾被召赴闕

嗟我老已疲掛冠歸舊廬素乏二項田無可把犂鋤窮
年小山下獨伴千卷書作止隨古人襟懷稍欣如又無
樽中酒能延故人車感君數相過氣豁眉宇踈天馬出
月窟迴薄萬里餘其才無不宜祿仕猶拘拘忽聞明庭
詔一節馳輕輿往必陟臺省公言壯皇圖潛心救世弊
肯意爲身謀法密吏愈偷食衆財益虛末大本漸弱豈
在專防胡指瑕一二人此事尤可吁細碎何足論網舉
民不踰譬彼脉已病其身尚膏腴要當速內窳珍丸應
時須良醫望數公潤澤回焦枯願如范文正挺持真丈

夫老死見太平委弃甘路衢

送馬東玉朝散還朝

秋空若明鏡雲物瑩可數臨高送遠發况復瞰牛渚崔
嵬水帝宮半出燃犀浦橋基插波瀾王氣逐龍虎歸隄
豈能畱兩槩幾欲舞重光瞻舜日羣材入天啓落落馬
東玉松柏耐寒暑五載佐吾邦大匠善規矩仁民而愛
物巨細各有補宴閑集賓朋風流照樽俎能詩又敏速
往往造險語文章久薦達名聲動寰宇曾中蟠虹蜺行
矣須一吐伊予百無堪投老尙好古垂竿魚未食茹蘘
口忘苦唯君最相知稱謂等鮑庾君歸我何適形影守
青山集 卷六 二

溪許時寄一行書焦枯望霖雨

謝涇川宋宰惠近詩

不到涇上邑倏忽二十載環山做樓閣金碧想未改長
溪拖翠玉洗月發光彩秋聲咽松杉夜氣馥蘭茝白鳥
自成羣黃猿行作隊仙人控鯉去巖下遺跡在猶疑深
雲中彈琴尚相待唐儒工翰墨石壁露藜藿意有神明
憐塵蘚不得免地勝來俊哲宋子今中宰公餘綴吟筆
爛熳排珠琲又如崆峒兵百千森甲鏡寄我數十篇脩
然起沉痾胷中強搜抉舊學久荒餒欲追天馬蹤蹇蹶
竟難逮撫卷懷昔游魂魄飛馳驟何當裂雲棧看君吐

江海

寄杭州天竺辨才大師

我聞辨才師解空稱第一
病子得摩頂其疾頓若矢
撥物運真悲了心非幻術
聲名動寰宇退身愈藏密
巖巖龍井峰篁竹不透日
終朝無來賓筇杖自橫膝
此道何寥寥差肩佛摩詰
無生無不生一以貫禪律
安得兩羽翰歸飛叅丈室
稽首慕高峰天地相終畢

送外甥法真一師

仕祿不及養勇往學金仙
棄家如脫屣壞衣披稻田
見汝若見母令我涕泗漣
我方鄙亂時巨嶽遭摧顛
汝母

青山集

卷六

三

挈我往西江赴臨川
愛育比其兒衣食無頗偏
追隨二三載思親我言還是時
汝未產顧今三十年汝壯我已
老死者歸重泉悠悠記昨夢
幻妄真可憐汝能逃世累
趣尚固已賢京華勿久棲
還當擇深淵遂窮生死本
勿爲言句纏拭我衣上淚
贈汝金石篇

送甥沈濟秀才下第南歸

炎風吹黃塵去興不可止
丈夫固有命得失致悲喜
何當永相將錫山酌泉水

送胡子企大夫還臺

聯鑣出梅山倏然二十載
君常佐天府我遂泛雲海
苗

書魚雁絕夢寐想風采高車忽來過笑語珠璣故交
悉相忘而君獨不改天王堯舜資化柄付良宰網羅收
鴻鵠臺閣茂蘭茝君歸必殊顯發策救民瘼形容入凌
煙丹青永無免使我觀太平白首甘凍餒

投宿繁昌徐氏水閣

東池種蓮子西池養肥魚盈缸釀美酒滿盤具新蔬客
來徑一醉疑是桃源圖此事未足議弟兄皆業儒大弟
已登科高名動鄉閭季弟復連薦豹變應時須長兄恬
自養雲卧隨卷舒物至我則應隱德良有餘客有醉吟
叟六月騎蹇驢避暑尋名山遂登君子居飲弄池上月
青山集 卷六 四
一宿能清虛相看不相厭欲去且踟躕

和姜伯輝見贈醉吟畫詩

蒼崖一萬丈中瀉白玉泉飛鳥度不得而我長攀緣洗
盡心地垢吟成元化篇更復有何物一樽當我前忽逢
姜伯輝爽量涵冰淵開談了無迹所得全于天便欲脫
青衫泛我江東船結交要終始相忘復頽然徑呼妙手
畫秋江霜景全冰輪正卓午照影無煩偏誰能騎蹇驢
世路空流連咄哉可以往揮手從飛仙

觀唐植夫所藏古壘

黑龍蟠黑雲久蟄黃金闕緣何落人間數餅若古月蝦

蝮不敢蝕利刀豈能截溫潤比方玉芬香麝臍裂乃知
廷珪名桓桓久不滅植夫名世後

彥範之子

所蓄尤奇絕護

以紫錦囊篋之復局鐫渺思五季亂江南頗偷逸三主
皆能書撥鐙聳瘦骨一朝歸大明流散餘故物金華座
右銘清涼自題佛二寶藏予家時時一披拂及覩植夫
墨清風愈飄忽異國想塵勞精靈豈沉沒聊爲識古篇
分于各蕭瑟

酬富仲容朝散見贈因以送之

收之吟齊山太白詠秋浦至今三百年光焰不埋土我
朝文愈盛往往出前古仲容生相門璨然鳳凰羽作鎮

香山集

卷六

五

簿書閑盈編金玉吐收之何足論白也真爾汝一朝解
符歸暫泊采江漪肩輿過蓬葦高談辰及午洗我塵空
聽不覺歡欲舞又如熟黃梁連食釋飢苦昔聞鄭國公
斥言敢狂虜廟食配神宗昭昭仲山甫今逢族弟賢家
法中規矩即省寧淹回往自結明主不唯唐蕭家繼踵
登相府請驅千里雲時作三日雨

宿鍾山贈泉禪師

夜半松柏響繞巖鸞鳳音披衣送遐盼明月方庭深樓
殿遍瑤層寶塔棲中岑定分付刀尺世故仍癡滌六朝
遺破塚四聖崇幽林香厨飯玉粒千歲聞于今况

道師妙傳諸佛心其徒五百人坐忘靜沉沉寶光泳瑤
璃永無塵垢侵何以明歸仰頓首興微吟

送倪敦復往池州決獄

忽領外臺檄離家不辭艱破雪涉遠道侵星出重關提
刀聊四顧決獄談笑間旦經五峰寺遂發九華山朗飲
雲泉秀妙依松石閑琳瑯如得句先寄南風還

送敦復至觀音寺再用前韻祝別

大道旣如砥安輿寧險巖通溝水泱泱出林鳥關關紫
詔下天外黃氣生眉間歸當趨玉陛豈容眷名山接物
齊彼分存誠肅吾閑我心如路草願君與春還

青山集

卷六

六

陶然軒呈孔掾

我醉不在酒心常醉于天出處無固必四時任陶然世
網誰拘拘冥鴻自翩翩隱几樂吾樂陶然名此軒採菘
富菊杞芬香藉蘭荃啼鳥助春喜相呼語涓涓好風集
清微時寫朱絲絃秋月瑩池上臘雪堆簷前客來亦把
酒客去還醉眠爲君發短調意將千載傳

安中尚書見招同諸公登雨華臺

城南五里近驅車稍停休層臺臨古刹欣陪清淨游凭
高送遠目考古思名流更讀琳瑯篇叙事何其周戶黎
與法雲接迹居崑幽趣將金仙諧行匪邪徑由至令吾

植松千丈騰龍虬，悟發特異衆妙齡。已依劉天華，無根
蒂應講來飛浮帝釋。昔舉手此理誰可侔，邇來表前蹤。
新亭壓鼇頭，空渚栖古月。大江浴清秋，曠懷出十地。壯
氣橫九州，三山連天門。水府卧金牛，故國羅綺滅。深宮
榛莽留，與亡千歲間。愁緒如線抽，惟餘北嶺雲。無心自
悠悠，高鴻正飛冥。網羅安得收，公等真丈夫。問學皆淵
邱，不應持使旌。歸合登瀛洲，桓桓鼎鼐司。落落金馬儔，
君臣若堯舜。明良互賡酬，胡爲慕瞿聃。元微解而優，願
舒三日霖。慰此旱歲求，乾坤涵潤澤。使我醉兩眸，咄嗟
勿重陳。玉樹後庭謳。

青山集

卷六

七

送李嘉甫朝散還臺

春風連作惡，吹雪深尺五。元宵無燈火，閉關與誰語。忽
聞營從過，傾蓋挹眉宇。相親如故人，坐久加循撫。蓬茅
只數間，餘無一邱土。半俸足以飽，未嘗詣州府。白雲寓
遠日，清溪照靈腑。趨閑已忘憂，浩歌唯汲古。名公志方
壯，富貴行可取。協韻高才孰能當，如罷亦如虎。致君爲唐
虞，澤民作霖雨。功名垂乾坤，兒孫列簪組。予一何遼，
而能強相與。聊書送行章，欲以明出處。

前春雪

元冥奪春令，連旬雪塞屋。噉噉何物聲，云是飢民哭。來

請義倉米奈何久空腹寒威如戈矛命盡須臾速憶昨
去年水雲濤卷平陸高村旣無麥低田又無穀民間已
乏食租稅仍未足縣令欲逃責催科峻鞭朴嗟哉吾邦
民何以保骨肉昂頭訴蒼蒼和氣待春育春工本好生
此雪無乃酷誰家做箇館草樹變瓊玉美人學回風歡
笑列燈燭不知萬戶寒唯憂五更促世無採詩官悲歌
寄鴻鵠

後春雪

前雪深尺五後雪深五尺動地北風惡連天凍雲塞逼
達絕行人萬物同一色燭龍爪生冰陽鳥嘴插翼牛羊
青山集

卷六

八

何足論虎豹餓無食此雪昔未有父老均歎息況當長
養時元冥翻怒赫我欲請雷車夜半轟霹靂斗杓斡春
陽和氣隨甲拆溶爲大田水青發隴頭麥南民少蘇醒
白骨免堆積朝廷方體仁乾坤應合德有酒不敢飲獨
樂神所責悲歌閉空屋寫慰同心客

送黃吉老察院

積學久未遇忠言今可施請君畧細故吐出胸中奇悉
救當世弊自結明主知不唯振憲綱進當司鼎鑒用廣
財已乏官冗人愈卑政寬法不舉將悞邊無威家家侈
聲樂淳源變澆漓上木徇金碧佛仙競新祠此乃腹心

疾豈止爲瘡痍言者曾未及雖言多所私苟非大奸邪
惡足求瑕玼舉朝無完人何以裨明時嘗讀喜似篇左
右皆宜之乃知荆山璧天地終不遺去惡無變容誠明
達神祇我方卧巖谷所友鹿與麋感君營從過枯木春
風吹又如得黃梁慰我久苦飢承詔不敢留歡言遽睽
違殷勤何以報報君以蕪辭

和敦復留題池州美水亭

我寄江南隱數爲美水游讀君美水篇感慨攀巢由赤
脚踏雲雨投竿翫汀洲鷗鳥不見猜飛舞相應酬誰傾
百斛珠跳躑無復收一發海客秘儘副貧家求李杜縮
青山集

卷六

九

光焰王謝慙風流開卷起予興飄欲乘桴浮如觀秋浦
圖晚景入兩眸愛之不能捨飢魚適吞鈎嘗置几案間
出沒窺崑幽一別幾何時歲月已十周跡滯若匣劍鱗
溢不可抽何當隨君車吟哦與君俦

謝胡丞寄錫泉十紙

恰我酷嗜茗遠分名山泉茲山固多錫泉味甘尤偏幸
遇佳客便十缸附輕船開缸漱清冷不待同茗煎想君
民事休時時造泉邊入碾龍鳳碎浮甌乳花圓一啜未
能止七盃誇玉川兩腋生清風飛逐蓬萊仙江心與谷
簾較之孰爲妍欲報吾子惠仍思陸生賢

謝魏戶曹惠酒

官醪不許買兵醞未嘗得愁殺避俗翁甘爲獨醒客緣
何魏夫子心仁生憫惻雙壺輒分送洞鱗被甘澤鎬杓
再施設併欲醉君德百川供長虹叱咤天地窄儘從秋
來水大笑問河伯胡爲辨牛馬灑灑浮月魄

川漲

朱夏久不雨川源倏然漲三潮渺相連狂風蹴高浪蛟
龍遞出沒魚鬣隨浩蕩羣山悄低徊阡陌失背向嗟嗟
圩中田一埂安可障去年已大潦十戶九凋喪幸賴官
廩實囂囂命所仰官廩今已空農事未敢望理水竟無
青山集

卷六

術祈禱俟靈貺退寸復進尺潮勢頗難量彼蒼罪斯民
殺戮不以杖令人思禹功魏魏百王上

答魏掾招飲

我欲招魏子小山嘗白醪月華雖未滿已覺秋風高何
物佑樽酌肥鱸併蟹螯一飲洗百憂軒冕稍可逃此語
未及發辱君先見要乃知志趣同盍簪皆俊僚亦應喚
舞娥紅雲欲飛飄不然避謗傷談話傾漁樵期歸一酌
酌世事如芭蕉

酬彭法曹留題小山用次來韻

讀君小山篇語勢欲飛舞乃知甘與賈年少心則古又

如東方生用之必爲虎予方坐空谷屏息避煩暑聞織
杼清風不覺生毛羽携之出人間瑤池贈王母

送黃彥發還臺

予方寓小山感君忽相過風標奪瑩玉氣語排懸河君
初佩金印治蠻真有科彼侮我即斬威行濟之和使知
朝廷尊帖帖無愆訛聖主方求才四海張網羅麒麟并
鳳凰所獲寧爲多如君必見取爲君吟善哉

酬陳椽畱題小山二首用次來韻

我愛小山石翩翩鸞鳳姿胡爲不飛去似與幽人期志
澤未及物收身聊自嬉不教三徑荒寧歌五噫詞舊交
安在哉歲晏逢子知殷勤結惠好琅玕分一枝

青山集

卷六

十一

茲山何亭亭鬱有高人姿朝容白雲過夜與明月期幽
蘭翠碧秀好鳥鳴聲嬉更逢佳客來惠好畱美詞遂令
一邱樂能垂千載知殷勤謝陳子兼葭倚瓊枝

和陳椽效陶齋

君欲效陶潛超然異今趣開齋卽吾廬欣欣同所慕潛
魚不羣游栖鳥不返顧無意亦無我何思復何慮遂起
羲皇上日夕自休裕百年能幾何不知歲云暮終當隨
白雲悠悠此山去

喜鍾山泉禪師見過

聞師飛錫來七日遠葦欣欣諸清淨談中夜未能寢師
提寶公刀爲我裁古錦言歸不須忙溪上冰雪凜

送魏掾赴調

鄙亂已承祿資賦况超邁三年瑩無疵一日欣有代芳
洲清風微夕浦寒烟靄翩翩莫能畱逡巡遠山外浮生
離合際志士懷耿介渺思歲月往俯眎天壤人驚甘
羅少帝憶賈生對竟言若爲期充實光輝大

送喻明仲朝請還臺

出馳使者星歲月一何久巨航始北歸華髮已盈首讀
書過五車滿腹藏瓊玖行行赴金闕朝帝見太母乾坤
青山集 卷六 十一
運元氣斟酌須北斗願如范文正上疏發續駐明明納
忠諫聖作古無有道行且寄書慰我窮老叟

送倪敦復朝奉還臺

有力乃致遠中道力不任言歸閉空屋敢復求知音君
來監郡務猥巷一見臨稱褒借陽春片礫成手金觴酌
每追隨嘯詠舒襟不覺三歲過啟櫂離滄南南君懷
有玉寶未嘗獻于今于今不往獻于歲情澗沱瀧景良
可悲鬢髮來雪侵前途漸就窄後會安可尋屋梁見落
月殷憂存我心猶期澤萬物霈然作商霖

邀敦復小酌爲別

三年同賞梅花爛晴雪一日言北歸梅黃雨初歇誰
將金彈丸綴在綠枝上結實勝開花邀君更同賞食梅
齒牙軟銜盃奈離憂過江桃李熟回首憶梅不

送揚績供備還京

伯玉宏農後軒軒真丈夫首雖峩武弁滿腹藏詩書三
年監郡兵一日云解符考之閭并言公廉卒如初未嘗
害一物縱舍乃有餘我方卧空屋袒跣與世踈感君數
相過晨坐定及哺新詩并美酒問遺無時無老境重可
惜遠別復何如羨君五福全客官奚拘拘子孫俱祿仕
京城富園閭精神趁強健優游早懸車祝君可以歸爲

青山集

卷六

十三

君賦歸歎

聽惠守錢承議談羅浮山因以贈之

久憶觀滄海喜君語羅浮從會稽來與羅相獻酬誰
欲通兩山鐵橋跨山頭笙簫響瑤臺佛仙棲石樓靈光
燭商舶七星被林幽飛泉難悉名異草香氣柔危峰聚
白鹿深島眠青牛葛洪安期生遺蹤尚綢繆孺轍游
水湛碧纔一甌不見波濤翻颶風駕龍虬又云朱明天
飄然落遐陬方廣吞五嶽盤紆臨十洲不得預封禪自
起烟雲着此理固莫測勝境輸君游君語洗我耳我詩
瑩君眸羅浮杳何許爲我商聲謳

送錢節七承議還臺

平昔未識面已景才業殊及來公詔家把酒情忻如分
携八換歲益聞峻名譽我方姑孰隱君解惠國得鷓舟
始云泊駕言過茅廬傾談洗塵聽積憂令我仰鳳巢燕
凡毛龍窟多美珠朝家正清明往矣涉亨衢澤民冀姚
宋致主優唐虞史筆採循吏非君復誰書

自釋二首

去日不可追來日已無多哀顏復自念遷謝當奈何賢
達并賤愚百歲同消磨不如詠觴酌徘徊眄庭柯流翠
自成幄好風時經過憎愛理兼忘虛淡神所和運盡即

青山集

卷六

十四

隨盡葬骨南山坡

遭時如堯舜擊壤歡且歌歸田尚叨祿天寵固已多取
復邀長年萬景隨流波有酒即醵酌風日春清和俯悲
秦晉士含飢避干戈

10443

